

## **Godišnje izvješće UG NARKO-NE za 2009. godinu**

### **A. Plodonosni ishodi djelovanja NARKO-NE-a**

*Prof.dr. Ismet Dizdarević, predsjednik UG NARKO-NE*

### **A. Menadžment**

*S. Magdalena Schildknecht, direktorica UG NARKO-NE*

### **B. Stariji brat, starija sestra**

*Alma Hadžiskakić, dipl. scr., projekt koordinatorka*

### **C. Mreža Stariji brat, starija sestra BiH**

*S. Magdalena Schildknecht, direktorica UG NARKO-NE*

### **D. Usavršavanje mentora za rad sa grupama volontera projekta Stariji brat, starija sestra**

*S. Magdalena Schildknecht, direktorica UG NARKO-NE*

### **E. Intercity teatar projekt**

*Andrea Mijatović, dipl. psih., projekt koordinatorka*

### **F. Preventivni magazin PREVENTEEN**

*Andrea Mijatović, dipl. psih., projekt koordinatorka*

### **G. Interkulturalne Kreativne sedmice/tjedni IKS**

*S. Magdalena Schildknecht, direktorica UG NARKO-NE*

### **H. Prevencijada i proslava Dana Udruženja NARKO-NE**

*Andrea Mijatović, dipl. psih., projekt koordinatorka*

### **I. Rukovodstvo organizacije, Upravni odbor**

*S. Magdalena Schildknecht, direktorica UG NARKO-NE*

Sarajevo, 23.03.2010.g.



## B. Plodonosni ishodi djelovanja NARKO-NE-a

*Prof.dr. Ismet Dizdarević, predsjednik UG NARKO- NE*

Na sve učinjeno u 2009. godini možemo biti ponosni. Uradili smo mnogo od onoga što je utkano u općim ciljevima naše organizacije. Ishodi naše profesionalne i volonterske aktivnosti su sadržani u primjereno koncipiranim, te u raznovrsnim i fleksibilnim vidovima praktično ostvarivanih projekata prevencije ovisnosti. Djelovali smo skladno u različitosti pristupa u procesima realiziranja istovjetnog cilja: **prevencija narkomanije i drugih ovisnosti**.

**Menadžment** je očuvao koherentnost u uvjetima izrazitih promjena u sastavu profesionalnog osoblja. Novi članovi menadžmentskog tima su, nakon relativno kraćeg stručnog uvođenja u načine praktičnog preventivnog djelovanja, uspijevali da nastave aktivnosti iskusnijih članova tima koji su dobijali «nova radna mjesta i nove perspektive u većim organizacijama». Predanim radom direktorice s. Magdalene i njenih neposrednih suradnika ostvareno je ono što je, za našu organizaciju, od posebne važnosti. To su procesi i ishodi planiranih vidova djelovanja za 2009. godinu: **lobiranje i umrežavanje je podignuto na višu razinu** (krenula je mreža Stariji brat, starija sestra BiH sa osam članica iz šest gradova BiH, NARKO-NE je uspostavio partnersku relaciju sa donatorskom organizacijom Renovabis, organiziran je „kick-off“ seminar za internacionalnu mrežu, aktivno sudjelovanje sa predavanjima, prezentacijama ili radionicama na internacionalnim skupovima posvećenim «prevenciji ovisnosti i zloupotrebi droga», uključivanje NARKO-NE u Mrežu volonterski dnevnik i vrlo aktivno sudjelovanje direktorice i zaposlenih na 25 stručnih ili javnih skupova na kojima je tretirana aktualna problematika maloljetničke delinkvencije, socijalnog uključivanja, volonterskog rada i drugo), ostvarena je dublja i šira suradnja sa javnošću (Web-stranica je potpuno obnovljena i široko aktivirana, stalni podsticaji javnih medija na potrebu stalnog praćenja aktiviteta NARKO-NE urodili su vidljivim plodovima) i **neposredne komunikacije sa širom javnošću značajno su pridonijeli boljem informiranju zainteresiranih pojedinaca i grupa pojedinaca o ciljevima i načinima našeg djelovanja** (korisni ishodi su rezultirali iz organiziranih i vođenih dijaloga, nastupanja i izražavanja u javnosti, kontakata sa istaknutim ličnostima, dogovaranjima i lobiranjima).

Projekt «Stariji brat, starija sestra» je u 2009. godini, kao i u ranijim periodima, pokazao kakav je i koliki njegov značaj u ostvarivanju djelotvornih koncepcija i procesa prevencije ovisnosti. Plodotvorni rezultati su ostvarivani uspješnim organiziranjem različitih vidova djelovanja: 1. **primjereno i kreativno koncipiranim treninzima i vođenim od strane iskusnih voditelja, posebno koordinatorice Alme Hadžiskakić i Hedy Anderegg- Tschudin, dipl. psihologa iz Švajcarske, 2. usavršavanjem mentora za rad sa grupama Projekta** (produbljanje i proširivanje integrativnog, jačajućeg i zaštitničkog utjecaja između djece i volontera, razvoj 4 pilot projekta) i 3. **organiziranjem i vođenjem prihvatljivih oblika monitor sastanaka**.

O vrijednosti jednogodišnjeg djelovanja NARKO-NE reljefno govore rezultati koje su ostvarili nositelji i realizatori Intercity teatar projekta, urednici i dopisnici preventivnog magazina PREVENTEEN i neposredni kreatori i sudionici Interkulturalnih kreativnih sedmica. Izvedbom dramskih komada („Korak u bolju budućnost“ i „Putokazi života“) koje je vidjelo više od 800 gledatelja iz raznih mjesta BiH, postignuto je ono što je, implicitno sadržano u općim planovima našeg djelovanja: sticana su znanja iz prevencije ovisnosti, iz vidova nenasilne komunikacije, iz potrebe i načina razvijanja zdravih navika i drugih odgojno poželjnih pristupa i postupaka.

PREVENTEEN je, sudeći prema prezentiranim sadržajima i pozitivnim reagiranjem mladih ljudi na njegove kreativne, sadržajno bogate i zanimljive poruke opravdao svoje pokretanje i tiskanje. Intencije i očekivanja izdavača i, posebno, mladog urednika PREVENTEEN-a, **Ivan Kutleša**, da će, publiciranjem magazina, pridonijeti **osvješćivanju** mladih i odraslih o mogućim uzrocima i posljedicama narkomanije i drugih ovisnosti, te da će istovremeno, ostvarit potrebe **povezivanja mladih iz različitih sredina i kultura** je jasna i uvjerljiva svakom čitatelju. Uspjeh PREVENTEEN-a je priznanje umijeću i trudu urednika i, indirektno, ukazanoj podršci osoblja Menadžmenta i članova Upravnog odbora ostvarene.

Interkulturalne kreativne sedmice, koje su započete 2002. godine Vitezu, nastavljene u Busovači (2005. i 2006. godine) i Varešu (od 2007. godine) su, u 2009., u Vitezu i Varešu iznova pokazale koliko su ovih 28 dana privlačni za mlade i cijelu zajednicu, te društveno vrlo korisni. Projekti koji su realizirani u ova dva gradića su značajni doprinosi u ostvarivanju definiranih ciljeva NARKO-NE-a. Odgojna vrijednost je posebno izražena u **broju angažiranih kreatora i realizatora** planiranih aktivnosti (Vitez: 45 volontera - 35 srednjoškolaca i 10 studenata iz Švajcarske; Vareš: 31 volonter - 25 srednjoškolaca i 6 studenata iz Švicarske) i **broju i društvenoj korisnosti aktivnosti** koje su volonteri realizirali (Vitez: nogometno igralište ispred srednje škole, staza u parku, exchange market, aktivnosti u romskom naselju Sofa – Kruščica; Vareš: šahovsko polje, obnova starog gradskog parka i radionice sa djecom - projekt socijalnog karaktera).

Prošlu godinu ćemo pamtiti i po ostvarenju, također, jednog važnog programa: *organiziranje Prevencijade i proslave Dana udruženja NARKO-NE*. Zapravo program je sadržavao dva dijela: **Prevencijada** (volonteri su dobili zadatak da na zabavni način istraže prevenciju ovisnosti u Sarajevu) i **oficijelni dio** (prikaz predstave „Putokazi života“ za volontere i goste iz desetak zemalja svijeta – učesnika seminara

Internacionalna mreža na polju „prevencije ovisnosti i zloupotrebe droga“ i predstavljanje raznovrsnih vidova djelovanja koji se sprovode u okvirima projekata). Zabavni dio i medijsko obavještanje je bilo na primjerenj visini.

Tijekom 2009. godine se dublje spoznala kakva je i kolika je uloga **Upravnog odbora Udruženja u koncipiranju, realiziranju i evaluiranju procesa i ishoda projekata i drugih, strukturalno prisutnih, oblika djelovanja**. Upravni odbor je, u svojoj biti volontersko tijelo, usmjeravajući i koordinirajući organ Udruženja sastavljen od osoba koji dobro poznaju problematiku ovisnosti i koji su visoko motivirani. Oni su, svojim konstruktivnim zamislama i realnim procjenama mogućnosti i očekivanja značajno doprinijeli očevitim uspjesima NARKO-NE-a u 2009. godini. Članovi Upravnog odbora nisu djelovali samo u okvirima sjednica, već su bili i u toku praktičnog realiziranja određenih projekata pa su i, na taj način, neposredno doprinosili uspješnom djelovanju izvršitelja planiranih aktivnosti.

## C. Menadžment

*S. Magdalena Schildknecht, direktorica UG NARKO-NE*

### 1. Razvoj tima

U ovoj godini NARKO-NE tim doživio je dosta promjena osoblja. U samo pet mjeseci otišle su tri osobe, od kojih su dvije dobile novo radno mjesto i nove perspektive u većim organizacijama, a jedna je na porodijskom odsustvu. Ipak se tim nakon svakog odlaska uspješno reorganizirao i spremno primio nove kolegice.

Stekli smo dva bitna iskustva koja potiču zapošljavanje mladih ljudi:

- a) Iako je prilagođavanje tima na nove članove i ugrađivanje njihovih ličnih i profesionalnih potencijala u projektni rad izazovan proces, može se u retrospektivi reći da su se otvorile i nove mogućnosti u realizaciji naše misije u radu sa mladima.
- b) Detaljnija analiza fluktuacije osoblja u Udruženju rezultirala je iznenađujućim podacima: Tokom 7 godina djelovanja na polju praktične primarne prevencije ovisnosti UG NARKO-NE je zasnovao prvi radni odnos sa ukupno **18 mladih osoba** nakon završetka njihovog studija (VSS) i na ovaj način omogućio izgradnju prvog stepena u profesionalnoj karijeri. U sklopu „Švicarskog programa podrške NVO-ima u BiH 2004 – 2008“ u dva projektna ciklusa NARKO-NE je zaposlio kao **pripravnike 10 mladih osoba**. Dodatno smo u zadnje tri godine primili **5 osoba – studenti/ce i absolventi/ce** – koji su kao stipendisti imali priliku da steknu radne navike i profesionalne vještine na polju prevencije ovisnosti i unapređenja zdravlja u radu sa mladima.

U ovim dinamičnim procesima je stručni konzalting i coaching od velike podrške. U to je uloženo 12 dana:

- 29.-30.01.09. Workshop Timski rad i Organiziranje dana UG, *Andrea Mewaldt OEC, Minhen*
- 07.-10.02.09. Workshop Teambuilding i Opis procesa, *Andrea Mewaldt OEC, Minhen*
- 21.-23.03.09. Workshop Razvoj organizacije za budućnost, *Hedy Anderegg-Tschudin, Ciri*
- 22.-23.06.09. Workshop Rad na strateškom planu za naredni period., *Hedy Anderegg-Tschudin, Ciri*
- 27.-28.10.09. Workshop Rad na strateškom planu za 2010.g., *Hedy Anderegg-Tschudin, Ciri*

Kroz ovaj rad se iskristalizirao cilj: **UG NARKO-NE sistematizira i dijeli stečeno znanje i iskustvo tj. svoju ekspertizu na polju prevencije ovisnosti sa drugim akterima koji rade sa mladima**

### 2. Razvoj programa i metoda primarne prevencije ovisnosti

U sklopu projekta „Usavršavanje mentor/ica za rad sa grupama volontera projekta *Stariji brat, starija sestra*“ smo dalje razvili rad na **selektivnoj prevenciji**, koja obuhvata metode i aktivnosti namijenjene djeci i mladima koji su pod rizikom od društvene marginalizacije i upuštanje u rizična ponašanja povezana sa svijetom nasilja, kriminala i ovisnošću. Naglasak projekta je na radu sa grupama djece koja se ne mogu uključiti u jedan-na-jedan mentorstvo, npr. djevojčice u islamskom domu „Gazzaz“, djeca u udaljenim naseljima bez mogućnosti za kvalitetno provođenje slobodnog vremena, djeca sa slabim školskim uspjehom, djeca koje rade na ulici. (opširnije u izvještaju pod E.)

### 3. Suradnja sa predstavnicima i stručnim suradnicima u bh. sistemu socijalne i zdravstvene zaštite i u obrazovnom sistemu

Važna komponenta održivosti predstavlja integritet našeg djelovanja u sistemu socijalne i zdravstvene zaštite u BiH. U svakom projektu smo produbili suradnju sa stručnjacima i predstavnicima institucija sa čijim klijentima i mi radimo, dakle, sa školama, centrima za socijalni rad, fakultetima. Aktivnosti su se u 2009.g. odvijale u **17 lokalnih zajednica**.

Tabela 1. Pregled općina sa kojima surađujemo i u kojima su provedeni naši projekti u 2009.g.

	Od ... do ..	Stariji brat, starija sestra	Mreža SBSS	Usavršavanje mentora/pripr.	Intercity teatar	PREVENTEEN	Interkulturalne sedmice IKS
Banja Luka	2007.-	xxxx	x				
Foča	2009.-		x		x		
Fojnica	2008.-				xx	xx	
Ilijaš	2008.-			x	x		
Istočna Ilidža	2005.-	xxx		x	xx	xxx	
Istočno Novo Sarajevo	2005.-	xxx		x	xxx	xxx	
Mostar	2005.-		x		xx		
Sarajevo, Centar	2004.-	xxxxx		x		xx	
Sarajevo, Novi Grad	2003.-	xxxxx	x	x	xxx	xxx	
Sarajevo, Novo Sarajevo	2003.-	xxx	x	x		xx	
Sarajevo, Ilidža	2008.-	xx		x		x	
Travnik	2009.-					x	
Tuzla	2009.-		x				
Vareš	2006-			x	xxx	xxx	xxx
Vitez	2002-				xxx	xxx	xxxxxxxx
Vogošća	2004.-	xxx		x			
Zenica	2003.-	x	x	x	xx	xx	

#### 4. Umrežavanje i lobiranje

U 2009.g. se lobiranje i umrežavanje podiglo na viši nivo:

- Krenula je **Mreža Stariji brat, starija sestra BiH** sa 8 članica iz 8 bh. gradova (izvještaj pod D.), a NARKO-NE je partner donatorske organizacije Renovabis i odgovoran za izradu standarda i za edukaciju projekt koordinatora/ica.
- UG NARKO-NE bilo je organizator „kick-off“ seminara **23. – 27.09.09.g. za internacionalnu mrežu** na polju „prevencije ovisnosti i zloupotrebe droga“. Nositelji su bili Caritas BK BiH i „Kruh sv. Ante“, pokrovitelj Njemački Caritas, a učesnici predstavnici Caritasa Albanije, Armenije, Bosne i Hercegovine, Bugarske, Češke, Italije, Njemačke, Rumunjske, Srbije, Ukrajine i Brazila.
- Predstavnici UG NARKO-NE **aktivno** su učestvovali (predavanjem, prezentacijom, radionicom itd.) na:
  - 20. - 23.01.09. Internacionalna konferencija u suzbijanju droge, Berlin, s. *Magdalena Schildknecht*
  - 08. -11.10.09. Konferencija VolontEurope, *Alma Hadžiskakić i Andrea Mijatović*
- NARKO-NE je primljen kao članica u Mrežu Volonterski dnevnik Redovno je i učešće predstavnika NARKO-NE na mjesečnim sastancima NVO vijeća, čiji smo član.
- Direktorica i zaposlenici NARKO-NE u toku godine učestvovali su na 25 konferencija, radionica, promocija, okruglih stolova, izložbi, kao i na radnim sastancima organiziranim od strane drugih organizacija i ministarstava, a čije su teme imale dodira sa našim djelovanjem, npr. *maloljetničko prestupništvo, volonterski i omladinski rad, socijalno uključivanje, razvoj civilnog sektora, NVO-politika.*

#### 5. Rad sa javnošću

- Web-stranica** koja je 05.12.08. potpuno obnovljena, redovno se ažurira, uz podršku volontera. U 2009.g. postavljeno je 16 novosti, vijesti o događajima u projektima. Forum se zbog nefunkcionalnosti zatvorio. Projekt koordinatore Intercity teatar projekta i Preventeena koriste **Facebook** za komunikaciju sa volonterima.
- Javni mediji** su informirani o većim događajima kao što je Dan Udruženja, ali i o događajima na lokalnom nivou u okviru 8 predstava Intercity teatar projekta i u Interkulturalnim kreativnim sedmicama u Vitezu i Varešu. Evidentirano je ukupno 36 kontakata sa svim medijima. Uz to svaki broj Preventeena prosljeđuje se na adrese 20 bh. medija, kako bismo im preporučili mlade ljude kao sugovornike.
- Rad s javnošću:** Kako bi volonteri stekli vještine za rad s javnošću, pruža im se prilika za vježbanje.
  - Nakon predstave Intercity teatra organizira se **vođena diskusija** o problemima i izazovima mladih u lokalnoj zajednici u obliku World-Caféa.
  - Program i izvedba završne manifestacije Interkulturalnih ljetnih sedmica IKS u Vitezu i Varešu je u rukama mladih. I nastupi na Danu Udruženja doprinose lakšem **izražavanju volontera/ki u javnosti**.
  - Dopisnici Preventeena steknu vještine za **kontaktiranje i razgovor sa javnim ličnostima**.
  - U svim projektima volonteri su odgovorni za **zagovaranje i lobiranje** kod lokalnih vlasti, poduzeća i predstavnika institucija.

## „Stariji brat, starija sestra“

Alma Hadžiskakić, dipl. scr., projekt koordinatorica

U protekloj godini u projekt Stariji brat starija sestra je u periodu 1.1. – 30.6.09. bilo uključeno **37 volontera i 37 djece**, a u novom projektnom ciklusu od 01.09.09. **30 volontera i 30 djece**. Formirano je **20 novih parova** djeteta - volonter.

Podrška volonterima u njihovom radu sa djecom bila su **četiri stručna saradnika** iz JU Kantonalnog centra za socijalni rad. Saradnici koji su radili sa volonterima su:

- Dženana Lepirica, Služba socijalne zaštite Novi Grad,
- Aida Bahtanović, Služba socijalne zaštite Centar,
- Nermin Omerović i Selma Kršlak, Služba socijalne zaštite Ilidža.

Za volontere koji su uključeni u projekat više od jedne godine, organizovana je dva puta mjesečno **supervizija**, vođena od strane Azre Latić, mr. supervizije u socijalnom radu.

Savjetodavni rad sa volonterima	Broj sastanaka
Savjetodavni sastanci	29
Radionice za rad na sebi	18
Supervizija	18

**Konkurs za volontiranje** u projektu „Stariji brat, starija sestra“, objavljen u februaru i maju, na fakultetima u Sarajevu, kao i na web stranicama [www.narkone.org](http://www.narkone.org) i [www.mladi.info](http://www.mladi.info). Pored navedenog održane su i prezentacije projekta na Filozofskom i Fakultetu političkih nauka. Za volontiranje su se prijavila/le 24 studenata/ice. Putem intervjuja, koji su vodili projekt koordinatorica i volonteri - članovi radne grupe, odabrano je 18 novih volontera.

Nakon intervjuja svi volonteri su prošli kroz **edukaciju** (jedna grupa u martu, a druga oktobru) koja se sastojala od **8 radionica**, kako bi se pripremili ih za ulogu „starijeg brata, starije sestre“.

Volonteri su mjesečno za **druženje** sa djetetom dobivali po 20 KM. Također su bili obavezni tijekom druženja sa djetetom voditi evidenciju o druženju, kao i dnevnik rada, da bi tako mogli pratiti eventualne promjene u ponašanju i doživljavanju ne samo kod djeteta, nego i kod sebe osobno.

U protekloj godini za djecu, volontere i stručne saradnike organizirana su **dva izleta. Zimski**, 27.10.2009. na planinu Igman (Veliko polje), te **Ijetni**, 04.07.2009. na planinu Zvijezda, kod Vareša. Na izletima je bilo prisutno oko 80 djece, volontera i stručnih saradnika.

Kao podrška realizaciji projekta, formirana je **radna grupa volontera**, koju su činila po tri volontera predstavnika svake grupe volontera. Neki od zadataka članova ove grupe bili su: organiziranje zajedno sa projekt koordinatoricom savjetodavnih sastanaka i supervizija, vođenje evidencije prisustva sastancima, isplatu džeparca volonterima za druženje sa djecom (za ovo su dobivali mjesečne stipendije), organiziranje zajedničkih druženja djece i volontera (odlasci u Pionirsku dolinu, u kino, na klizanje i sl.). Pored navedenog, radna grupa je učestvovala na pripremanju i realizaciji tema i sadržaja radionica sa djecom i volonterima i završnog izleta, kao i na monitoringu, evaluaciji i izvještavanju o samim radionicama.

**Interna analiza učinka projekta Stariji brat, starija sestra**, koju su uradili stručni saradnici je pokazala da je kod većine djece učesnika u projektu došlo do sljedećih pozitivnih promjena: poboljšanja školskog uspjeha i vladanja, odgovornijeg odnosa prema školskim obavezama, smanjenog broja neopravdanih izostanaka, veće poslušnosti, uvažavanja i poštovanja autoriteta, bolje i kvalitetnije organizacije i korištenja slobodnog vremena, potpunijeg uključivanja djece i mladih u socijalno okruženje.

Na osnovu petogodišnjeg iskustva u realizaciji projekta Stariji brat, starija sestra, a za potrebe Mreže *Stariji brat, starija sestra* BiH, izrađen je **priručnik standarda kvalitete** i priručnici za pripremnu edukaciju i savjetodavni rad sa volonterima.

Radi reguliranja uslova pod kojima će se realizirati projekt, kao i obaveze i prava organizacija koje učestvuju u njegovoj realizaciji, u decembru 2009. godine potpisan je **protokol o nastavku suradnje** u 2010. godini, između UG NARKO-NE i **JU Kantonalnog centra za socijalni rad** Sarajevo.

Projekt je financiran od strane **Renovabisa, Švicarske agencije za razvoj i općine Ilidža**.

## D. Mreža Stariji brat, starija sestra BiH

S. Magdalena Schildknecht, direktorica UG NARKO-NE

Nakon Druge konferencije projekta „Stariji brat, starija sestra“ održane 05.11.2008.g. u Banjaluci, stvorili su se uslovi za umrežavanje zainteresiranih organizacija, te su na dvodnevnom **Kick-off sastanku** sa

partnerima, održanom u Sarajevu **26. i 27.01.2009.g.** uz praćenje i moderiranje gđe. Andree Mewaldt, dogovorene zajedničke smjernice buduće suradnje.

Od 01.05.2009.g. 8 nevladinih organizacija u 6 bosansko-hercegovačkih gradova sa fakultetima zvanično rade na formiranju **Mreže Stariji brat, starija sestra BiH**. Trogodišnji projekt je financiran od strane njemačkog donatora **RENOVABIS** sa strateškim ciljem uspostavljenja formalne strukture.

**Članice Mreža SBSS BiH:** Nova generacija, Banjaluka; DC Nove nade, Foča; SOS Kinderdorf – SOS Porodični centar, Mostar; UG NARKO-NE, Sarajevo, HKO Kruh sv. Ante, Sarajevo; Tuzlanska Amica, Tuzla; IPAK-MGB, Tuzla; Medica, Zenica.

Na prvom zajedničkom seminaru od **07.- 09.05.2009.** svaka organizacija izradila je lokalni projekt prijedlog u skladu sa standardima projekta *Stariji brat, starija sestra*, za **pojedinačno namicanje sredstava**. Seminar je vodio Slaviša Đurić, Centar za menadžment, razvoj i planiranje - MDP Inicijative, iz Doboja.

Na seminaru **24.- 26.06.**, **sedam menadžera/ica** lokalnih organizacija donijeli su zajedničke odluke vezane za rukovodstvo i operativne procese, kao i za koordinaciju aktivnosti Mreže. Moderirala ga je iskusna moderatorica: Hedy Anderegg-Tschudin, dipl. psih. iz Erlenbacha, Švicarske, a prevoditeljica je bila Helen Jaeggi Kosić iz Laktaša.

Već sedam dana kasnije, **02.-03.07.** održao se **prvi trening** za projekt koordinatore/ice *Stariji brat, starija sestra*. Alma Hadžiskakić, sa svojim petogodišnjim iskustvom u realizaciji projekta, prošla je sa učesnicima/ama kroz **14 standarda kvalitete** i načine njihove realizacije u praksi, uz priručnik kao vodič.

Na **drugom treningu 05.-06.11.**, lokalne projekt koordinatorice detaljno su se upoznale sa konceptom, planom i materijalima uvodne edukacije volontera/ki od 8 radionica.

Na dva jednodnevna **monitoring sastanka, 17.10. i 15.12.**, menadžerice su radile na strategiji za namicanje sredstava i na izradi opisa zadataka koordinatore Mreže. Preko internet komunikacije su izradile i podržavale **oglas za radno mjesto koordinatora**, koji je važio do 24.11.2009. Do 15.12. je IPAK u Tuzli, koji nudi infrastrukturu za to mjesto, primio aplikacije. Izbor se vršio u januaru 2010.g.

## **E. Usavršavanje mentora za rad sa grupama volontera projekta Stariji brat, starija sestra**

*S. Magdalena Schildknecht, direktorica UG NARKO-NE*

Dana **01.03.2009.g.** koordinatorica Nerma Daut započela je sa implementacijom trogodišnjeg projekta „Usavršavanje edukatora za edukaciju, savjetovanje i podržavanje volontera u radu sa socijalno ugroženom djecom i njihovim porodicama“ s ciljem educiranja, umrežavanja i osnaživanja studenata da bi kroz volonterski rad doprinijeli kompenzaciji razvojnih i odgojno-obrazovnih nedostataka djece sa kojom se druže i na taj način izgradili zaštitne faktore u porodici, grupi vršnjaka, školi i lokalnoj zajednici.

Projekt je zamišljen kao vid nadopune i podrške projektima *Stariji brat, starija sestra* i Mreža SBSS BiH, kroz koji se nastoji produbiti i proširiti **integrativni, jačajući i zaštitnički utjecaj** odnosa između djece i volontera, te doprinijeti umrežavanju stručnjaka i volontera iz partnerskih gradova i preuzimanju odgovornosti za kvalitetu i efikasnost aktivnosti starijih sestara i braće.

Na poziv za apliciranje prijavili su se kandidati iz svih partnerskih organizacija. Nakon obavljanja intervjua 15.- 16.04.2009. uspješno je održan prvi, a 04.- 05.06. drugi modul. Međutim, pokazalo se da su učesnici preopterećeni paralelnim uvođenjem u projekt *Stariji brat, starija sestra* i razvojem programa za dodatnu edukaciju za volontere. A kad je projekt koordinatorica u 9. mjesecu prešla na radno mjesto u većoj i sigurnijoj organizaciji, uz odobrenje donatora (njemačka fondacija) preradili smo koncept u potpunosti.

Novim projektom planom odgovorili smo na potrebu manjih gradova i specifičnih institucija za djecu da se i kod njih realizira projekt *Stariji brat, starija sestra*, a da istovremeno i osposobljavamo mlade stručnjake, mentor/ice za rad sa grupama volontera.

Nakon ljetnog raspusta smo počeli razvijati 4 pilot programa u kojem po dvije mentorice educiraju i prate volontere/ke za rad sa grupama djece u riziku, s ciljem jačanja njihovog samopouzdanja i socijalnog povezivanja.

1. *Aida Šehagić, aps. psih. i Aida Brdar, dipl. scr.*  
Trening kompetencije za djevojčice u dječjem domu „Gazzaz“, Sarajevo (od 01.10.2009.)
2. *Ines Kabula, projekt koordinatorica, i Almedina Sokolar, stud. ped.*  
Radionice za učenje, za djecu u 6. razredu, Vareš i Vareš-Majdan (od 15.11.2009.)
3. *Šejla Babić, BSc scr., Aida Zubača, stud. žurn.*  
„Igrum do prijateljstva“, kreativne radionice za djecu u udaljenim naseljima, Budoželje (od 01.06.2009.)
4. *Ines Kabula, projekt koordinatorica., Dario Lazić, stud. ped.*  
Kreativne radionice u Dnevnom Centru za djecu koja rade na ulici (od 10.12.2009.)

<b>Stariji brat, starija sestra SBSS</b>	<b>Mreža SBSS BiH</b>	<b>Pilot projekti – varijante SBSS</b>	<b>Usavršavanje mentora</b>
Franjevačka misijska centrala, Beč, 20% Kat. župa Bern, 2010.-2011., 70% Nenamjenske donacije	Renovabis (trogodišnji projekat, maj 2009. – juli 2012., u dvije faze) Dodatno namicanje sredstava kod lokalnih donatora	Fondacija FA (trogodišnji projekat, 1. ciklus 03/09 – 08/10), oko 60% Christlicher Friedensdienst cfd, 30% Nenamjenske donacije NARKO-NE- u	
<b>1. projektni ciklus, maj 2009. – august 2010.</b>			
<b>Model projekt</b> za Mrežu SBSS BiH Nacrt priručnika standarda kvaliteta SBSS Daljnji razvoj projekta i prilagođavanje novonastalim izazovima Suradnja sa organizacijama koje se bave prevencijom maloljetničkog prestupništva April 2010.: Zapošljavanje dvije pripravnice: daljnji razvoj projekta SBSS, npr. radionice za učenje, suradnja sa školom, rad sa roditeljima Opširnija suradnja sa organizacijom Medica u Zenici	<b>8 NVO u 6 univerzitetskih gradova</b> Trening za projekt voditelj/ice, 5 x 2 dana, rukovodstvo NARKO-NE Namicanje sredstava za realizaciju prvog projektnog ciklusa SBSS Izrada strukture i koordinacije Mreže sa menadžericama, Pismeni sporazum svih članica Mreže Mart 2010: Zapošljavanje koordinatorice Mreže April 2010: <b>Zajednička edukacija predstavnika volontera/ki</b> iz svih gradova. Tema: Nošenje sa traumatskom iskustvom u radu sa djecom u riziku	<b>Razvoj 4 pilot programa: Volonteri/ke rade sa grupama djece u riziku</b> , s ciljem jačanja samopouzdanja i socijalnog povezivanja 1. Trening kompetencije za djevojčice u dječjem domu „Gazzaz“, Sarajevo 2. Radionice za učenje, za djecu u 6. razredu, Vareš 3. „Igrom do prijateljstva“, kreativne i zabavne radionice za djecu u udaljenim naseljima, Budoželje Vareš 4. Kreativne radionice u Dnevnom Centru za djecu koja rade na ulici Nacrt priručnika sa svim materijalima	<b>8 mentorica planiraju, organiziraju, realiziraju i evaluiraju 4 pilot programa u 1 – 2 ciklusa</b> Edukacija mentora i stručno praćenje radi s. Magdalena Schildknecht.  April 2010: Uključivanje dvije pripravnice UG NARKO-NE koje rade 4 dana u Službama Novi Grad u Ilidža, i 8-10 sedmično u pilot projektima UG  Stručni seminar za izradu priručnika i za edukaciju stručnih suradnika Mreže SBSS
<b>2. projektni ciklus, septembar 2010. – august 2011.</b>			
<b>Model projekt</b> za Mrežu SBSS BiH Daljnji razvoj projekta i prilagođavanje novonastalim izazovima Suradnja sa organizacijama koje se bave prevencijom maloljetničkog prestupništva Opširnija suradnja sa organizacijom Medica u Zenici	Realizacija 2. projektnog ciklusa na lokalnom nivou <b>Dodatna edukacija za projekt voditelj/ice</b> na temu praćenja volontera/ki i rada na dodatnim projekt varijantama <b>Zajednička edukacija predstavnika/ca volontera/ki</b> iz svih gradova Maj – juni 2011.: Trening za <b>Civilni Dijalog</b> u sklopu projekta CIDI	Evaluacija i daljnji razvoj pilot projekta, uključivanja volontera/ki  Izrada priručnika za mentore/ice i projekt voditelj/ice za rad sa grupama djece u riziku	<b>Zajedničke edukacije</b> mentorica pilot projekta i projekt voditelj/ice Mreže  Teme - Projekt menadžment u praksi - Gender pitanja u radu sbss - Osjetljive teme u radu sa djecom: seksualitet, nasilje - Pedagogija doživljaja, igre i prirode - Razvoj standarda kvalitete
<b>3. projektni ciklus, septembar 2011. – august 2012. – Zajednički cilj: Rad sa javnošću i lobiranje za volonterski rad na polju socijalnog uključivanja</b>			
<b>Model projekt</b> za Mrežu SBSS BiH Daljnji razvoj projekta i prilagođavanje novonastalim izazovima u suradnji sa članicama Mreže	Realizacija 3. projektnog ciklusa na lokalnom nivou <b>Evaluacija Mreže</b> Projekt za uspostavljenje strukture za Mrežu sbss ( <b>EU-aplikacija</b> ) Zajednički seminar volontera/ki	Evaluacija i daljnji razvoj pilot projekta, uključivanja volontera/ki  <b>Edukacija stručnih suradnika</b> za realizaciju programa za rad sa grupama djece u riziku u drugim organizacijama Mreže sbss ali i šire	<b>Edukacija mentorica i projekt voditelj/ica sbss</b>  Moguće teme - Učenje odraslih, metode - Savjetodavni rad sa volonteri/kama - Rad sa javnošću



## F. Intercity teatar projekat 2008.

*Andrea Mijatović, dipl. psih., projekt koordinatorica*

Intercity teatar projekt odvija se u ciklusima koji traju od aprila do marta naredne godine. Stoga je 2009. godina obuhvatila dva projektna ciklusa. U prva tri mjeseca 2009. godine prikazane su tri predstave „**Korak u bolju budućnost**“ Intercity teatar projekta u općinama Istočno Novo Sarajevo, Vitez i Vareš. Nakon toga je uslijedio novi ciklus u kojem je odabrano 22 mladih iz Foče, Fojnice, Ilijaša, Istočnog Novog Sarajeva, Vareša i Viteza. Oni su tokom kampa održanog od 29.06. do 05.07.2009., kreirali predstavu „**Putokazi života**“. Osim predstave, tokom kampa, kao i seminara održanog od 19. do 22.08. u Sarajevu, mladi su stekli znanja iz prevencije ovisnosti, organizacije događaja, pedagogije doživljaja, nenasilne komunikacije, iz moderiranja i osnova okruglog stola/metode diskusije **World Café**, timske vještine, te razvijali zdrave navike.

Znanja i vještine koje su stekli, volonteri su iskoristili jer je njihov zadatak bio da samostalno, uz podršku projekt koordinatorice, organiziraju predstavu i sve popratne sadržaje, uključujući i logističku podršku (prijevoz, obroci, noćenje), u svom gradu. Od septembra do decembra predstavu „Putokazi života“ vidjelo je preko **800 ljudi u Fojnici, Sarajevu, Ilijašu, Varešu, Foči, Istočnom Novom Sarajevu**. Predstavu Korak u bolju budućnost pratio je okrugli sto na temu „Prevencija ovisnosti u mom gradu“, dok je u drugom projektnom ciklusu (od aprila) kreirana predstava „Putokazi života“ i njeno prikazivanje je pratila suvremena metoda diskusije World Café. Time se težilo da se dođe do konkretnih prijedloga što se u određenoj zajednici može uraditi za prevenciju ovisnosti i podršku mladima u izgradnji zdravijeg života.

### Voditelji projekta

s. Magdalena Schildknecht, direktorica UG NARKO-NE  
Andrea Mijatović, projekt koordinatorica Intercity teatar projekta  
Dženita Imamović, stručna suradnica za teatar predstavu  
Samir Selimović, stručni suradnik za pedagogiju doživljaja

## G. Preventivni magazin PREVENTEEN

*Andrea Mijatović, dipl. psih., projekt koordinatorica*

Preventeen je besplatan preventivni magazin koji se bavi prevencijom ovisnosti i unaprjeđenjem zdravlja, a kreiraju ga mladi za mlade. Prije izrade svakog broja organiziran je jednodnevni uvodni seminar o temi magazina za sve dopisnike, te redakcijski sastanak. U izradu Preventeena tokom 2009. godine bilo je uključeno preko dvadeset volontera. U ovoj godini objavljena su četiri broja.

Mart 09. Broj 9 - „Ženski i muški pogledi na ovisnost“	2000 primjeraka
Maj 09. Broj 10 - „Poplava droga u BiH“	2000 primjeraka
Sept 09. Broj 11 - „BiH – zdrava i lijepa zemlja i domovina za zdrave mlade“	2000 primjeraka
Dec 09. Broj 12 - „Građanski aktivizam“	2400 primjeraka

U junu je otvoren natječaj za novu grupu dopisnika. Za nove dopisnike održan je **trening iz novinarstva i prevencije ovisnosti od 08.07. do 11.07.** Posljednji dan treninga održan je i redakcijski sastanak na kojem su im se pridružili aktivni volonteri, te su zajedno kreirali 11. broj. Učesnici projekta su srednjoškolci i studenti iz Busovače, Fojnice, Gornjeg Vakufa, Istočnog Sarajeva, Jajca, Novog Travnika, Sarajeva, Sokoca, Vareša i Viteza.

Tokom 2009. godine **naklada** Preventeena za tri broja je iznosila 2000, a za četvrti je povećana na 2400, što znači ukupno 8400 primjeraka. Procjenjuje se da svaki broj Preventeena (dijelom ili u cijelosti) pročita minimalno pet ljudi, što znači da je poruka Preventeena u 2009. godini došla do preko 30.000 osoba širom Bosne i Hercegovine.

Pokazalo se i da mladi koji inače nisu skloni čitanju ni razgovoru o temi prevencije ovisnosti, lako postanu zainteresirani jednostavnim i mladalačkim stilom pisanja u Preventeenu, te postaju redovni čitatelji.

**Preventeen pomaže povezivanju mladih iz različitih sredina i različitih kultura**, a značajno je i to da dopisnici nerijetko imaju priliku zbog zadataka putovati po Bosni i Hercegovini i na taj način se upoznati sa pozitivnim primjerima iz svoje domovine.

Na časovima razredne zajednice i na Vijećima učenika u mnogim školama redovno se analizira neka tema ili tekst. Na taj način se veći broj mladih ljudi upoznaje sa aktivnostima samog Udruženja, sadržajima projekata, ali i dobije informacije i počne razmišljati i o drugim temama i načinima prevencije ovisnosti. I prema procjenama vanjskih evaluatora, Preventeen je magazin koji je potreban na bh. tržištu.

**Projekt koordinatorice:** Šejla Babić, BSc. scr., Andrea Mijatović, dipl. psih

**Glavni urednik:** Ivan Kutleša, dipl. iur.

## H. Interkulturalne kreativne sedmice/tjedni 18.07. – 15.08.09.g. u Vitezu i u Varešu

S. Magdalena Schildknecht, direktorica UG NARKO-NE

„Ja kao Švicarka ne znam šta je rat. Shvatila sam tek, dok sam sjedila u jednom kafiću u Vitezu i ugledala rupe od metaka na obližnjoj zgradi. Tada sam se sjetila riječi moje sestre koja je kao turist boravila u Kolumbiji za vrijeme borbe između gerile i paravojsnih snaga. Rekla mi je da ljudi koji nisu nikad bili u ratu (kao mi Švicarci), imaju pogrešno mišljenje, misle da život prestaje dok ratovanje traje. Ali ne, ljudi i dalje nastavljaju da žive svakodnevni život, idu po vodu, kuhaju i jedu. U IKS-u se fokusiramo na življenje života poslije rata, a ne na rat, te kako provesti život uživajući i u sreći, zajedno. Mislim da je to glavni cilj IKS-a: susret mladih ljudi, Švicaraca s različitih univerziteta i regija, Bosanaca različitih nacionalnosti, većina i manjina, starijih i mlađih, gdje svi postaju jednaki, sreću se na pola puta, razmjenjujući loš engleski (koji uključuje švicarsko-njemačko/bosansko/hrvatsko/srpsku verziju riječi potpomognutu mahanjem i rukama i nogama)“ - kazala je **Fraenzi Iff**, jedna od učesnica projekta Interkulturalne kreativne sedmice/tjedni, koji se u Vitezu održava od 2002. godine, a zatim se 2005. i 2006. širi i na susjednu Busovaču, da bi se 2007., 2008. i 2009. godine održao i u Varešu. (Amir Berbić, Preventeen 13/2010)

**U Vitezu** se ukupno 45 volontera od toga 35 srednjoškolaca i 10 studenata iz Švicarske odlučilo za:

1. Nogometno igralište ispred srednje škole – obnavljanje, ograđivanje, ocrtavanje
2. Stazu u parku – napraviti povoljan pristup parku, postaviti klupe i kante za smeće, ukrasiti mozaicima
3. Exchange market – projekt socijalno - društvenog tipa, izrada kreativnih predmeta i razmjena sa građanima
4. Po prvi put su u romskom naselju Sofa-Kruščica kod Viteza realizirane kreativne aktivnosti sa mladima

**U Varešu** se ukupno 30 volontera, 25 srednjoškolaca i 6 studenata iz Švicarske odlučilo na tri projekta:

1. Šahovsko polje – ocrtavanje polja, izrada figura i pravljenje sanduka za očuvanje figura
2. Obnova starog gradskog parka – čišćenje fontane, košenje trave, popravljanje klupa i rasvjete
3. Radionice sa djecom – projekt socijalnog karaktera, kreativni rad sa djecom kroz igraonice i druženje

### Zajedničke aktivnosti

18.06. – 17.07. Program od šest radionica o prevenciji ovisnosti. Voditeljica Nerma Daut

15.06. – 20.07. Tri sastanka za timove voditelja za organizacijske pripreme, s. Magdalena Schildknecht

21.07.09. Upoznavanje i druženje svih 65 učesnika u Visokom, Aida Šehagić

01./08.08.09. Subotom u posjeti jedni drugima, roštiljade: Timovi voditeljica

12.08.09. Učešće svih volontera/ki iz Vareša i Sofe na završnoj manifestaciji u Vitezu

### Timovi voditelja

Vitez Zerina Alihodža, Selma Hrustić, Tejfida Ibraković, Adem Islamović

Vareš Sanda Klančević, Almedina Sokolar, Šeherzada Hadžić, Mirza Velić

### Partneri

Verein IDEMO, Udruženje koje su osnovali bivši učesnici projekta u Švicarskoj.

Općina Vitez, Marija Grabovac, pomoćnica za Društvene djelatnosti

Katica Radman, stručna suradnica za prosvjetu i nevladin sektor

Općina Vareš Rusmir Berberović, pomoćnik načelnika za Društvene djelatnosti i BIZ.

„Šta je IKS (X)? I sam mogu dati odgovor, kao volonter koji je učestvovao. X je miješanje betona po čitav dan - iako iskreno nemaš pojma kako se to radi i vjerovatno to radiš po prvi put. X je pregovaranje sa vlastima i davanje izjava medijima - u početku mucaš, a kasnije evoluiráš u Cicerona. X je upoznavanje i voljenje osoba koji će ti kroz čitav život mamiti osmjehe svojim nestašlucima. X je slatki okus kafe koju pijete u obližnjem kafiću na kraju mukotrpnog ljetnog dana sa ljudima koji hoće da nabolje promijene nešto. X smo MI i naša mladost, lijepa uspomena na vrijeme, tada kada smo mogli postići apsolutno sve.“ (Amir Berbić, Preventeen 13/2010)

## I. Prevencijada i proslava Dana Udruženja UG NARKO-NE, 26.09.2009.g.

*Andrea Mijatović, dipl. psih., projekt koordinatorica*

Na ovogodišnjoj proslavi Dana udruženja ugostili smo posebne goste iz Albanije, Armenije, Bosne i Hercegovine, Bugarske, Češke, Italije, Njemačke, Rumunije, Srbije, Ukrajine i Brazila. Oni su bili učesnici „kick-off“ seminara 23. – 27.09.2009.g. za **internacionalnu mrežu na polju „prevencije ovisnosti i zloupotrebe droga“**. Organizatori su bili Caritas BK BiH, „Kruh sv. Ante“ i NARKO-NE, pokrovitelj njemački Caritas, naš donator, a učesnici predstavnici Caritasa iz navedenih zemalja.

Program Dana Udruženja se sastojao iz dva dijela: **Prevencijada i oficijelni dio**.

Na **Prevencijadi** su volonteri svih projekta i podijeljeni u 15 grupa imali zadatak da na zabavan način istraže prevenciju ovisnosti u gradu Sarajevu.

**U oficijelnom djelu** u franjevačkom studentskom centru, na kojem je prisustvovalo **150 gostiju** prikazana je **predstava Putokazi života**, koju su osmislili i izveli volonteri projekta *Intercity teatar*, pod vodstvom glumice Dženite Imamović. **Govore** su držali prof. dr. Ismet Dizdarević, Predsjednik Udruženja; s. Magdalena Schildknecht, direktorica UG NARKO-NE te Gernot Krauss, predstavnik njemačkog Caritasa. Volonteri **Intercity teatar projekta**, **Interkulturalnih kreativnih sedmica**, **Preventeen-a** i **Stariji brat, starija sestra** predstavili su svoje projekte kroz interaktivne prezentacije (izložbe, kvizove, ankete i igre) na štandovima.

106 volontera iz 4 projekta dobilo je **certifikate** kao potvrdu o učešću u projektu.

- 24 volontera *Stariji brat, starija sestra*
- 47 srednjoškolaca, volontera u Interkulturalnim kreativnim sedmicama iz Viteza (23) i Vareša (24),
- 16 volontera u redakciji Preventeena
- 19 volontera Intercity teatar projekta

U zabavnom dijelu programa nastupili su volonteri NARKO-NE-a: Plesna grupa „Roma“ iz Viteza, Lejla iz Fojnice, Jana iz Vareša, te Vernes i Tarik iz Vareša.

Pored prijatelja i gostiju događaj je praćen i od strane **12 medija**: Agencija FENA, TV Hayat, KISS, Pink BH, TV Vogošća, TV Hema, Radio M, Radio Busovača, RSG, Radio 8, Radio Sarajevo, Radio Herceg Bosna.

Program je također uključivao:

- **Nagradnu igru**, u kojoj su učestvovali svi volonteri koji su željeli. Zadatak nagradne igre bio je da se na osnovu slika pogodi o kojem NARKO-NE projektu je riječ.
- Ovom prilikom predstavljen je i 11. broj **PREVENTEENA** čija tema je bila „Bosna i Hercegovina, dobra zemlja i domovina zdravih mladih“

## J. Rukovodstvo organizacije, Upravni odbor

### a) Osoblje

#### RUKOVODSTVO ORGANIZACIJE

Predsjednik: Prof. dr. Ismet Dizdarević, profesor psihologije,  
Zamjenik predsjednika: Fra Stipan Radić, ravnatelj HKO „Kruh sv. Ante“,

Upravni odbor: Ivona Čelebičić, UG proMente za socijalna istraživanja,  
Marija Grabovac, Služba za društvene djelatnosti, Vitez,  
Sanja Horvat, menadžer projekta Caritas BK BiH,  
Dejan Miković, Služba socijalne zaštite Centar,  
Atifa Mutapčić, Služba socijalne zaštite Vogošća.

#### ZAPOSLENICI/SURADNICI

Direktorica: s. Magdalena Schildknecht, dipl. psih. i ped.  
Projekt koordinatori 2009.g. Alma Hadžiskakić, dipl.scr., Stariji brat, starija sestra, od sept. 04.g.  
Nerma Daut, dipl. psih., Usavršavanje mentor/ica, do 22.09.09.g.  
Ines Kabula, psih., Usavršavanje mentor/ica, od 16.11.09.g.  
Mirela Džindo, dipl. pol., Intercity teatar projekt, od 01.11.07.g.  
Andrea Mijatović, dipl. psih., Intercity teatar i Preventeen, od 01.04.08.g.  
Pripravnici 2009.g.: Alisa Muratović, dipl. scr., Usvršavanje za preventivni rad, do 31.03.09.g.  
Tihana Majstorović, dipl. psih., Usvršavanje za preventivni rad, do 30.4.09.g.  
Ugovor o djelu 2009.g. Ivan Kutleša, dipl. iur., Preventeen  
Stipendisti 2009.g. Šejla Babić, BSc.scr., Sarajevo  
Miroslav Valenta, stud. pol., Vitez  
Aida Šehagić, aps. psih., Kakanj  
Aida Zubača, studentica žurnalistike, Vareš  
Aida Brdar, stud. prava, Goražde  
Almedina Sokolar, stud. ped., Vareš  
Dajana Mišković, stud. scr., Hrasnica

### b) Djelovanje Upravnog odbora

Upravni odbor je održao ukupno četiri Sjednice i Godišnju skupštinu. Na sjednicama se redovno vodio zapisnik i arhivirao u Udruženju.

Datumi sjednica i teme o kojima se razgovaralo i raspravljalo:

- 25.02.2009. Pripreme za Skupštinu 2009. g.; izvješće o radu Tihane Majstorović i Dejana Miškovića u sklopu akcionog plana za prevenciju maloljetničke delikvencije u Kantonu Sarajevo, a učesnici su projekta „Usavršavanje pripravnika 2008.-09.g.“,
- 24.03.2009. **7. redovna i izborna godišnja Skupština**, koja je izabrala dosadašnjeg predsjednika i zamjenika predsjednika kao i pet članova Upravnog odbora. Za Nadzorni odbor je Skupština umjesto Krešimira Ljubasa i Adele Kolorići odabrala dosadašnju članicu Almu Komanović za predsjednicu i za nove članove Jakova Gavrana i Kristijana Hrgića.
- 09.06.2009. Usvajanje zapisnika sa 7. godišnje Skupštine udruženja NARKO-NE od 24.03.2009.g; Osvrt na projekte Preventeen, na početnu fazu „Usavršavanje mentora“ kao i Mrežu *Stariji brat, starija sestra* BiH.
- 01.09.2009. Diskusija o izvještaju i refleksije o dešavanjima u radu NARKO-NE-a od 09.06.-01.09.2009., sa posebnim osvrtom na situaciju. Predstavljanje programa sastanka Caritas organizacija na nivou Istočne i Jugoistočne Europe “East-East Europe Drug Demand Reduction Network” od 23.- 27.09.09.g.u Sarajevu
- 10.11.2009. Podnošenje izvještaja i predstavljanje planova za strateški razvoj Udruženja koje je NARKO-NE tim izradio uz podršku konsultantice Hedy Andereg-Tschudin; predstavljanje novih članova NARKO-NE tima

Sarajevo, 12.03.2010.g.

Predsjednik UG NARKO-NE  
prof.dr.Ismet Dizdarević